



顏氏家訓卷第五

省事

歸心

誠兵

養生

省事第十二

銘金人云無多言多言多敗無多事多事多患
 至哉斯戒也能走者奪其翼善飛者減其指有
 角者無上齒豐後者無前足蓋天道不使物有
 兼焉也古人云多為少善不如熟一鼯鼠五能
 不成伎術近世有兩人朗悟士也性多營綜略
 無成名經不足以待問史不足以討論文章無
 可傳於集錄書迹未堪以畱愛翫卜筮射六得
 三醫藥治十差五音樂在數十人下弓矢在千
 百人中天文畫繪碁博鮮卑語胡書煎胡桃油
 鍊錫為銀如此之類略得梗槩皆不通熟惜乎
 以彼神明若省其異端當精妙也

上書陳事起自戰國逮於兩漢風流彌廣原其
 體度攻人主之長短諫諍之徒也訐羣臣之得
 失訟訴之類也陳國家之利害對策之伍也帶

顏氏家訓卷五

一知不足為識

私情之與奪遊說之儔也總此四塗賈誠以求位鬻言以干祿或無絲毫之益而有不省之困幸而感悟人主爲時所納初獲不貲之賞終陷不測之誅則嚴助朱買臣吾已壽王主父偃之類甚衆良史所書蓋取其狂狷一介論政得失余非士君子守法度者所爲也今世所覩懷瑾瑜而握蘭桂者悉恥爲之守門詣闕獻書言計率多空薄高自矜夸無經略之大體咸糝糠之微事十條之中一不足採縱合時務已漏先覺

顏氏家訓卷五

一知不足齋藏書

非謂不知但患知而不行余或被發姦私面相酬證事途迴冗醜懼慙尤人主外護聲教脫加含養此乃僥倖之徒不足與比肩也

諫諍之徒以正人君之失余必在得言之地當盡匡贊之規不容苟免偷安垂頭塞耳至於就養有方思不出位干非其任斯則罪人故表記云事君遠而諫則諂也近而不諫則尸利也論語曰未信而諫人以爲誦己也

君子當守道崇德蓄價待時爵祿不登信由天

命須求趨競不顧羞慙比較材能斟量功伐厲色揚聲東怨西怒或有劫持宰相瑕疵而獲酬謝或有諂聒時人視聽求見發遣以此得官謂爲才力何異盜食致飽竊衣取溫哉世見躁競得官者便謂弗索何獲不知時運之來不然亦至也見靜退未遇者便謂弗爲胡成不知風雲不與徒求無益也凡不求而自得求而不得者焉可勝算乎

齊之季世多以財貨託附外家誼動女謁拜守

顏氏家訓卷五

二二知不足齋叢書

宰者印組光華車騎輝赫榮兼九族取貴一時而爲執政所患隨而伺察旣以利得必以利治微染風塵便乖肅正坑穽殊深瘡痍未復縱得免死莫不破家然後噬臍亦復何及吾自南及北未嘗一言與時人論身分也不能通達亦無尤焉

王子晉云佐饗得嘗佐鬪得傷此言爲善則預爲惡則去不欲黨人非義之事也凡損於物皆無與焉然而窮鳥入懷仁人所憫况死士歸我

嘗弃之乎伍員之託漁舟季布之入廣柳孔融
之藏張儉孫嵩之匿趙岐前代之所貴而吾之
所行也以此得罪甘心瞑目至如郭解之代人
報讎灌夫之橫怒求地游俠之徒非君子之所
爲也如有逆亂之行得罪於君親者亦不足卹
焉親友之迫危難也家財已力當無所吝若橫
生圖計無理請謁非吾教也墨翟之徒世謂熱
腹楊朱之侶世謂冷腸腸不可冷腹不可熱當
以仁義爲節文爾

顏氏家訓卷五

四知不足齊嚴書

前在脩文令曹有山東學士與關中太史競歷
凡十餘人紛紜累歲內史牒付議官平之吾執
論曰大抵諸儒所爭四分并減分兩家余歷象
之要可以晷景測之今驗其分至薄蝕則四分
疏而減分密疏者則稱政令有寬猛運行致盈
縮非算之失也密者則云日月有遲速以術求
之預知其度無災祥也用疏則藏姦而不信用
密則任數而違經且議官所知不能精於訟者
以淺裁深安有冒服旣非格令所司幸勿當也

舉曹貴賤咸以爲然有一禮官恥爲此讓苦欲
畱連強加考覈機杼旣薄無以測量還復採訪
訟人窺望長短朝夕聚議寒暑煩勞背春涉冬
竟無子奪怨誚滋生赧然而退終爲內史所迫
此好名之辱也

一本此好名
好事之爲也

止足第十三

禮云欲不可縱志不可滿宇宙可臻其極情性
不知其窮唯在少欲知足爲立涯限余先祖靖
侯戒子姪曰汝家書生門戶世無富貴自今仕
宦不可過二千石婚姻勿貪勢家吾終身服膺
以爲名言也

顏氏家訓卷五

五知不足齋叢書

天地鬼神之道皆惡滿盈謙虛沖損可以免害
人生衣趣以覆寒露食趣以塞飢乏尔形骸之
內尚不得奢靡已身之外而欲窮驕泰耶周穆
王秦始皇漢武帝富有四海貴爲天子不知紀
極猶自敗累况士庶乎常以爲二十口家奴婢
盛多不可出二十人良田十頃堂室纔蔽風雨
車馬僅代杖策蓄財數萬以擬吉凶急速不帝

此者皆以義散之不至此者勿非道求之
仕宦稱泰不過處在中品前望五十人後顧五
十人足以免恥辱無傾危也高此者便當罷謝
偃仰私庭吾近爲黃門郎已可收退當時羈旅
懼懼謗譴思爲此計僅未暇尔自喪亂已來見
因託風雲徼倖富貴且執機權夜填坑谷朔歡
卓鄭晦泣顏原者非十人五人也慎之哉慎之
哉

誠兵第十四

顏氏家訓卷五

六知不足齋叢書

顏氏之先本乎鄒魯或分八齊世以儒雅爲業
徧在書記仲尼門徒升堂者七十有二顏氏居
八人焉秦漢魏晉下逮齊梁未有用兵以取達
者春秋之世顏高顏鳴顏息顏羽之徒皆一鬪
夫尔齊有顏涿聚趙有顏最或作聚漢末有顏良
宋有顏延之竝處將軍之任意以顛覆漢郎顏
駟自稱好武更無事迹顏忠以黨楚王受誅顏
俊以據武威見殺得姓已來無清操者唯此二
人皆罹禍敗頃世亂離衣冠之士雖無身手或

聚徒衆違弃素業徼倖戰功吾旣羸薄仰惟前
代故實心於此子孫誌之孔子力翹門關不以
力聞此聖證也吾見今世士大夫纔有氣幹便
倚賴之不能被甲執兵以衛社稷但微行險服
逞弄拳擊大則陷危亡小則貽恥辱遂無免者
國之興亡兵之勝敗博學所至幸討論之入帷
幄之中參廟堂之上不能爲主畫規以謀社稷
君子所恥也然而每見文士頗讀兵書微有經
略若居承平之世睥睨宮闈幸災樂禍皆爲逆

顏氏家訓卷五

七知不足齋叢書

亂註誤善良如在兵革之時

太上御名

扇反覆縱橫

說誘不識存亡強相扶戴此皆陷身滅族之本
也誠之哉誠之哉習五兵便騎乘正可稱武夫
余今世士大夫但不讀書卽自稱武夫兒乃飯
囊酒甕也

養生第十五

神仙之事未可全誣但性命在天或難鍾值人
生居世觸途牽繫幼少之日既有供養之勤成
立之年便增妻孥之累衣食資須公私驅役而

望遁跡山林超然塵滓千萬不遇一余加以金玉之費鑪器所須益非貧士所辦學若牛毛成如麟角華山之下白骨如莽何有可遂之理考之內教縱使得仙終當有死不能出世不願汝曹專精於此若其愛養神明調護氣息慎節起臥均適暄寒禁忌食飲將餌藥物遂其所稟不爲天折者吾無閒然諸藥餌法不廢世務也庾肩吾常服槐實年七十餘目看細字鬚髮猶黑鄴中朝士有單服杏仁枸杞黃精朮煎一本有

顏氏家訓卷五

者得益者甚多不能一一說余

一本無此六字

吾嘗患

齒搖動欲落飲食熱冷皆苦疼痛見抱朴子牢齒之法早朝建齒三百下爲良行之數日卽便平愈今恒持之此輩小術無損於事亦可脩也凡諸餌藥陶隱居太清方中總錄甚備但須精審不可輕脫近有王愛州在鄴學服松脂不得節度腸塞而死爲藥所誤者甚多夫養生者先須慮禍全身保性有此生然後養之勿徒養其無生也單豹養於內而喪外張毅

養於外而喪內前賢所戒也嵇康著養生之論
而以傲物受刑石崇冀服餌之徵一本作延年而以
貪濁取禍往世之所逃也

夫生不可不惜不可苟惜涉險畏之途于禍難
之事貪欲以傷生讒慝而致死此君子之所惜
哉行誠孝而見賊履仁義而得罪喪身以全家
泯軀而濟國君子不咎也自亂離已來吾見名
臣賢士臨難求生終爲不救徒取窘辱令人憤
懣侯景之亂王公將相多被戮辱妃主姬妾略
無全者唯吳郡太守張曠建義不捷爲賊所害
辭色不撓及鄱陽王世子謝夫人登屋詆怒見
射而斃夫人謝遵女也何賢智操行若此之難
婢妾引決若此之易悲夫

歸心第十六

三世之事信而有徵家世業此勿輕慢也其間
妙旨具諸經論不復於此少能讚述但懼汝曹
猶未牢固略動勸誘尔原夫四塵五蔭剖析形
有六舟三駕運載羣生萬行歸空千門八善辯

才智惠豈徒七經百氏之博哉明非堯舜周孔所及也內外兩教本爲一體漸極爲異深淺不同內典初門設五種禁外典仁義禮智信皆與之符仁者不殺之禁也義者不盜之禁也禮者不邪之禁也智者不淫之禁也信者不妄之禁也至如畋狩軍旅燕享刑罰固民之性不可卒除就爲之節使不淫濫爾歸周孔而背釋宗何其迷也俗之謗者大抵有五其一以世界外事及神化無方爲迂誕也其二以吉凶禍福或未

顏氏家訓卷五

十知不足齋叢書

報應爲欺誑也其三以僧尼行業多不精純爲姦慝也其四以糜費金寶滅耗課役爲損國也其五以縱有因緣如報善惡安能辛苦今日之甲利後世之乙乎爲異人也今竝釋之于下云釋一曰夫遙大之物寧可度量今人所知莫著天地天爲積氣地爲積塊日爲陽精月爲陰精星爲萬物之精儒家所安也星有墜落乃爲石矣精若是石不得有光性又質重何所繫屬一星之徑大者百里一宿首尾相去數萬百里之

物數萬相連闊狹從斜常不盈縮又星與日月
形色同爾但以大小爲其等差然而日月又當
石也石既牢密烏兔焉容石在氣中豈能獨運
日月星辰若皆是氣氣體輕浮當與天合往來
環轉不得錯違其閒遲疾理宜一等何故日月
五星二十八宿各有度數移動不均寧當氣墜
忽變爲石地既滓濁法應沈厚鑿土得泉乃浮
水上積水之下復有何物江河百谷從何處生
東流到海何爲不溢歸塘尾間漑何所到沃焦

顏氏家訓卷五

十一知不足齋叢書

之石何氣所然潮汐去還誰所節度天漢懸指
郇不散落水性就下何故上騰天地初開便有
星宿九州未劃列國未分翦疆區野若爲躔次
封建已來誰所制割國有增減星無進退災祥
禍福就中不差乾象之大列星之夥何爲分野
止繫中國昂爲旄頭匈奴之次西胡東越彫題
交趾獨弃之乎以此而求迄無了者豈得以人
事尋常抑必宇宙外也凡人之信唯耳與目耳
目之外咸致疑焉儒家說天自有數義或渾或

蓋乍宜乍安斗極所周管維所屬若所親見不容不同若所測量寧足依據何故信凡人之臆說迷大聖之妙旨而欲必無恆沙世界微塵數劫也而鄒衍亦有九州之談山中人不信有魚大如木海上人不信有木大如魚漢武不信弦膠魏文不信火布胡人見錦不信有蟲食樹吐絲所成昔在江南不信有千人氈帳及來河北不信有二萬斛船皆實驗也世有祝師及諸幻術猶能履火蹈刃種瓜移井倏忽之間十變五

顏氏家訓卷五

十二知不足齋叢書

化人力所爲尙能如此何況神通感應不可思量千里寶幢百由旬座化成淨土踊出妙塔乎釋二曰夫信謗之徵有如影響耳聞眼見其事已多或乃精誠不深業緣未感時儻差闕終當獲報余善惡之行禍福所歸九流百氏皆同此論豈獨釋典爲虛妄乎項橐顏回之短折原憲伯夷之凍餒盜跖莊蹻之福壽齊景桓魋之富強若引之先業冀以後生更爲通介如以行善而偶鍾禍報爲惡而儻值福徵便生怨尤卽爲

欺詭則亦堯舜之云虛周孔之不實也又欲安所依信而立身乎

釋三曰開闢已來不善人多而善人少何由悉責其精絜乎見有名僧高行弃而不說若觀凡僧流俗便生非毀且學者之不勤豈教者之爲過俗僧之學經律何異士人之學詩禮以詩禮之教格朝廷之人略無全行者以經律之禁格出家之輩而獨責無犯哉且闕行之臣猶求祿位毀禁之侶何慙供養乎其於戒行自當有犯

顏氏家訓卷五

士三知不足齋叢書

一披法服已墮僧數歲中所計齋講誦持比諸白衣猶不啻山海也

釋四曰內教多途出家自是其一法尔若能誠孝在心仁惠爲本須達流水不必剃落鬚髮豈令罄井田而起塔廟窮編戶以爲僧尼也皆由爲政不能節之遂使非法之寺妨民稼穡無業之僧失國賦算非大覺之本旨也抑又論之求道者身計也惜費者國謀也身計國謀不可兩遂誠臣徇主而弃親孝子安家而忘國各有行

也儒有不屈王侯高尚其事隱有讓王辭相避世山林安可計其賦役以爲罪人若能偕化黔首悉入道場如妙樂之世穰佉之國則有自然稻米無盡寶藏安求田蠶之利乎

釋五曰形體雖死精神猶存人生在世望於後身似不相屬及其歿後則與前身猶老少朝夕余世有神魂示現夢想或降僮妾或感妻孥求索飲食徵須福祐亦爲不少矣今人貧賤疾苦莫不怨尤前世不脩功業以此而論安可不爲

顏氏家訓卷五

十四知不足齋叢書

之作地乎夫有子孫自是天地閒一蒼生余何預身事而乃愛護遺其基址況於已之神爽頓欲弃之哉凡夫蒙蔽不見未來故言彼生與今非一體余若有天眼鑒其念念隨滅生生不斷豈可不怖畏耶又君子處世貴能克己復禮濟時益物治家者欲一家之慶治國者欲一國之良僕妾臣民與身竟何親也而爲勤苦脩德乎亦是堯舜周孔虛失愉樂余一人脩道濟度幾許蒼生免脫幾身罪累幸熟思之汝曹若觀俗

計樹立門戶不棄妻子未能出家但當兼脩戒
行畱心誦讀以爲來世津梁人身難得勿虛過
也儒家君子尙離庖廚見其生不忍其死聞其
聲不食其肉高柴折像未知內教皆能不殺此
乃仁者自然用心含生之徒莫不愛命去殺之
事必勉行之好殺之人臨死報驗子孫殃禍其
數甚多不能悉錄尔且示數條於末梁世有人
常以雞卵白和沐云使髮光每沐輒破二三十
枚臨死髮中但聞啾啾數千雞雛聲江陵劉氏

顏氏家訓卷五

十五知不足齋叢書

以賣鱸羹爲業後生一兒頭俱是鱸自頸已下
方爲人尔王克爲永嘉郡守有人餉羊集賓欲
讌而羊繩解來投一客先跪兩拜便入衣中此
客竟不言之固無救請須臾宰羊爲炙先行至
客一嚮入口便下皮內周行徧體痛楚號叫方
復說之遂作羊鳴而死梁孝元在江州時有人
爲望蔡縣令經劉敬躬亂縣解被焚寄寺而住
民將牛酒作禮縣令以牛繫剌柱屏除形像鋪
設牀坐於堂上接賓未殺之頃牛解徑來至階

而拜縣令大笑命左右宰之飲噉醉飽便臥簷
下投醒而覺體痒爬搔隱疹因尔成癩十許年
死楊思達爲西陽郡守值侯景亂時復旱儉飢
民盜田中麥思達遣一部曲守視所得盜者輒
截手擊凡戮十餘人部曲後生一男自然無手
齊有一奉朝請家甚豪侈非手殺牛噉之不美
年三十許病篤大見牛來舉體如被刀刺叫呼
而終江陵高偉隨吾入齊凡數年向幽州淀中
捕魚後病每見羣魚齧之而死

顏氏家訓卷五

十六知不足齋叢書

顏氏家訓卷第五

顏氏家訓卷第六

書證

書證第十七

詩云參差荇菜爾雅云荇接余也字或爲荇先
儒解釋皆云水草圓葉細莖隨水淺深今是水
悉有之黃花似蓴江南俗亦呼爲猪蓴或呼爲
荇菜劉芳具有注釋而河北俗人多不識之博
士皆以參差者是莧菜呼人莧爲人荇亦可笑
之甚

顏氏家訓卷六

一
如不足齋叢書

詩云誰謂荼苦禮云苦菜秀爾雅毛詩傳竝以
荼苦菜也案易統通卦驗元圖曰苦菜生於寒
秋更冬歷春得夏乃成今中原苦菜則如此也
一名游冬葉似苦苣而細摘斷有白汁花黃似
菊江南別有苦菜葉似酸漿其花或紫或白子
大如珠熟時或赤或黑此菜可以釋勞案郭璞
注爾雅此乃蕺黃蔕也今河北謂之龍葵梁世
講禮者以此當苦菜旣無宿根至春子方生亦
亦大誤也又高誘注呂氏春秋曰榮而不實曰

英苦菜當言英益知非龍葵也

詩云有杕之杜江南本竝木傍施大傳曰杕獨貌也徐仙民音徒計反說文曰杕樹貌也在木部韻集音次第之第而河北本皆爲夷狄之狄讀亦如字此大誤也

詩云駟駒牡馬江南書皆作牝牡之牡河北本悉爲放牧之牧鄴下博士見難云駟頌旣美僖公牧于駟野之事何限驂騑乎余荅曰案毛傳云駟駒良馬腹幹肥張也其下又云諸侯六閑

顏氏家訓卷六

一一知不足齋叢書

四種有良馬戎馬田馬駑馬若作放牧之意通於牝牡則不容限在良馬獨得駟駒之稱良馬天子以駕玉輅諸侯以充朝聘郊祀必無驂也周禮圉人職良馬四一人駑馬麗一人圉人所養亦非驂也頌人舉其強駿者言之於義爲得也易云良馬逐逐左傳云以其良馬二亦精駿之稱非通語也今以詩傳良馬通於牧驂恐失毛生之意且不見劉芳義證乎

月令云荔挺出鄭元注云荔挺馬薤也說文云

荔似蒲而小根可爲刷廣雅云馬薤荔也通俗
文亦云馬蘭易統通卦驗元圖云荔挺不出則
國多火災蔡邕月令章句云荔似挺高誘注呂
氏春秋云荔草挺出也然則月令注荔挺爲草
名誤矣河北平澤卒生之江東頗有此物人或
種於階庭但呼爲早蒲故不識馬薤講禮者乃
以爲馬莧馬莧堪食亦名豚耳俗曰馬齒江陵
嘗有一僧面形上廣下狹劉緩幼子民譽年始
數歲俊晤善體物見此僧云面似馬莧其伯父

顏氏家訓卷六

三知不足齋叢書

紹因呼爲荔挺法師紹親講禮名儒尙誤如此
詩云將其來施施毛傳云施施難進之意鄭箋
云施施舒行貌也韓詩亦重爲施施河北毛詩
皆云施施江南舊本悉單爲施俗遂是之恐爲
少誤

詩云有滄萋萋興雲祁祁

詩興雨祁祁注云興雨如字本作興雲非

毛傳云滄陰雲貌萋萋雲行貌祁祁徐貌也箋

云古者陰陽和風雨時其來祁祁然不暴疾也

案滄已是陰雲何勞復云興雲祁祁耶雲當

爾俗爲謨余班固靈臺詩去三光宣精五行布
序習習祥風祁祁甘雨此其證也

禮云定猶豫決嫌疑離騷曰心猶豫而狐疑先
儒未有釋者案尸子曰五尺犬爲狗說文云隴
西謂犬子爲猶吾以爲人將犬行好豫在人
前待人不得又來迎候如此往還上於終日斯
乃豫之所以爲未定也故稱猶豫或以爾雅曰
猶如鹿善登木猶獸名也既聞人聲乃豫緣木
如此上下故稱猶豫狐之爲獸又多猜疑故聽
河冰無流水聲然後敢渡今俗云狐疑虎卜則
其義也

顏氏家訓卷六

四知不足齊發

左傳曰齊侯疾遂疢說文云疢二日一發之瘡
疢有熱瘡也案齊侯之病本是間日一發漸加
重乎故爲諸侯憂也今北方猶呼疢瘡音皆而
世間傳本多以疢爲疥杜征南亦無解釋徐仙
民音介俗儒就爲通云病疥令人惡寒變而成
疢此臆說也疥癬小疾何足可論寧有患疥轉
作瘡乎

尙書曰惟景響周禮云土圭測景朝景夕孟子曰圖景失形莊子云罔兩問景如此等字皆當爲光景之景凡陰景者因光而生故卽爲景淮南子呼爲景柱廣雅云晷柱挂景竝是也至晉世葛洪字苑傍始加彡音杉音於景反而世閒輒改治尙書周禮莊孟從葛洪字甚爲失矣太公六韜有天陳地陳人陳雲鳥之陳論語曰衛靈公問陳於孔子左傳爲魚麗之陳俗本多作阜傍車乘之車按諸陳隊竝作陳鄭之陳夫

顏氏家訓卷六

五知不足齋叢書

行陣之義取於陳列也此六書爲假借也蒼雅及近世字書皆無別字唯王羲之小學章獨阜傍作車縱復俗行不宜追改六韜論語左傳也詩云黃鳥于飛集於灌木傳云灌木叢木也此乃爾雅之文故李巡注曰木叢生曰灌爾雅末章又云木族生爲灌族亦叢聚也所以江南詩古本皆爲叢聚之叢而古叢字似冢字近世儒生因改爲冢解云木之冢高長者案衆家爾雅及解詩無言此者唯周續之毛詩注音爲□會

反又音祖會反劉昌宗詩注音爲在公反又狙會反皆爲穿鑿失爾雅訓也

也是語已及助句之辭文籍備有之矣河北經傳悉略此字其閒字有不可得無者至如伯也執爻於旅也語回也屢空風風也教也及詩傳云不戢戢也不儼儼也不多多也如斯之類儻削此文頗成廢闕詩言青青子衿傳曰青衿青領也學子之服按古者斜領下連於衿故謂領爲衿孫炎郭璞注爾雅曹大家注列女傳竝云衿交領也鄴下詩本旣無也字羣儒因謬說云青衿青領是衣兩處之名皆以青爲飾用釋青青二字其失大矣又有俗學聞經傳中時須也字輒以意加之每不得所益誠可笑

易有蜀才注江南學士遂不知是何人王儉四

部目錄不言姓名題云王弼後人謝昞夏侯詒

一本該字下注云五代和官傳疑本作諺作詠未定竝讀數千卷書皆疑

是譙周而李蜀書一名漢之書云姓范名長生自稱蜀才南方以晉家渡江後北閒傳記皆名

爲僞書不貴省讀故不見也

禮王制云羸股肱鄭注云謂擗衣出其臂脛今書皆作環甲之環國子博士蕭該云環當作擗音宣環是穿著之名非出臂之義案字林蕭讀是徐爰音患非也

漢書田疇賀上江南本皆作宵字沛國劉顯博覽經籍偏精班漢梁代謂之漢聖顯子臻不墜家業讀班史呼爲田疇梁元帝嘗問之荅曰此無義可求但臣家舊本以雌黃改宵爲官元帝

顏氏家訓卷六

七知不足齋叢書

無以難之吾至江北見本爲官

漢書王莽贊云紫色蠅聲餘分閏位蓋謂非元黃之色不中律呂之音也近有學士名問甚高遂云王莽非直鳶鷂虎視而復紫色蠅聲亦誤矣

簡策字竹下施束

七賜反

末代隸書似紀采

亦有竹下遂爲夾者猶如刺史之傍應爲束

亦夾徐仙民春秋禮音遂以筴爲正字以策

爲殊爲顛倒史記又作悉字誤而爲述作姪

字誤而爲妬裴徐鄒皆以悉字音述以妬字音
妬旣爾亦可以亥爲豕字音以帝爲虎字音乎
張揖云慮今伏羲氏也孟康漢書古文注亦云
慮今伏而皇甫謐云伏羲或謂之宓義按諸經
史緯候遂無宓義之號慮字從虎音呼宓字從山
音下俱爲必末世傳寫遂誤以慮爲宓而帝王
世紀因誤更立名余何以驗之孔子弟子慮子
賤爲單父宰卽慮羲之後俗字亦爲宓或復加
山今兗州永昌郡城舊單父地也東門有子賤
碑漢世所立乃云濟南伏生卽子賤之後是知
慮之與伏古來通字誤以爲宓較可知矣
太史公記曰寧爲雞口無爲牛後此是刪戰國
策余按延篤戰國策音義曰尸中之主從牛
子然則口當爲尸後當爲從俗寫誤也

應邵風俗通云太史公記高漸離變名易姓爲
人庸保匿作於宋子久之作苦聞其家堂客有
擊筑伎癢不能無出言案伎癢者懷其伎而腹
癢也是以潘岳射雉賦亦云徒心煩而伎癢今

史記竝作俳侗或作徬徨不能無出言是爲俗傳寫誤介

太史公論英布曰禍之興自愛姬生於妬媚以至滅國又漢書外戚傳亦云成結寵妾妬媚之誅此二媚竝當作媚媚亦妬也義見禮記三蒼且五宗世家亦云常山憲王后妬媚王充論衡云妬夫媚婦生則忿怒鬪訟益知媚是妬之別名原英布之誅爲意賁音肥赫音余不得言媚

史記始皇本紀二十八年丞相隗林丞相王綰

顏氏家訓卷六

九知不足齋叢書

等議於海上諸本皆作山林之林開皇二年五月長安民掘得秦時鐵稱權旁有銅塗鐫銘二所其一所曰廿六年皇帝盡并兼天下諸侯黔首大安立號爲皇帝乃詔丞相狀綰濩度量勦音不壹歎疑者皆明壹之凡四十字其一所曰元年制詔丞相斯去疾濩度量盡始皇帝爲之皆刻辭焉今襲號而刻辭不稱始皇帝其於久遠也如後嗣爲之者不稱成功盛德刻此詔左使毋疑凡五十八字一字磨滅見有五十七

字了了分明其書兼爲古隸余被敕寫讀之與
內史令李德林對見此稱權今在官庫其丞相
狀字乃爲狀貌之狀并旁作犬則知俗作隗林
非也當爲隗狀余

漢書云中外禊福字當從示禊安也音匙匕之
匙義見蒼雅方言河北學士皆云如此而江南
書本多誤從手屬文者對耦竝爲提挈之意
爲誤也

或問漢書注爲元后父名禁改禁中爲省中何

顏氏家訓卷六

十知不足齋叢書

故以省代禁荅曰案周禮宮正掌王宮之戒令
糾禁鄭注云糾猶割也察也一本無猶割也三字李登云
省察也張揖云省今省管也然則小井所領二
反竝得訓察其處旣常有禁衛省察故以省代
禁管古察字也

漢明帝紀爲四姓小侯立

賜四姓及梁鄧小侯帛是

外戚有樊氏郭氏陰氏馬氏

者或以年小獲封故須立

侯非列侯故曰小侯禮云席方小侯則其義也
後漢書云鶴雀銜三鱣音善魚多假借爲鱣鮪之

鱣俗之學士因謂之爲鱣魚案魏武四時食制

鱣魚大如五斗匱長一丈郭璞注爾雅鱣長二

三丈安有鶴雀能勝一者況三乎鱣又純灰色

無文章也鱣魚長者不過三尺大者不過三指

黃地黑文故都講云虵鱣卿大夫服之象也續

漢書及搜神記亦說此事皆作鱣字孫卿云魚

鱣鱣鱣及韓非說苑皆曰鱣似虵蠶似蠋竝作

顏氏家訓卷六

鱣字假鱣爲鱣其來久矣

後漢書酷吏樊豐爲天水郡守涼州爲之歌曰

寧見乳虎穴不入曩城寺而江南書本穴皆誤

作六學士因循迷而不寤夫虎豹穴居事之較

者所以班超云不探虎穴安得虎子寧當論其

六七耶

後漢書楊由傳云風吹削肺此是削札犢之柅

尔古者書誤則削之故左傳云削而投之是也

或卽謂札爲削王褒僮約曰書削代牘蘇竟書

云昔以摩研編削之才皆其證也詩云伐木許
許毛傳云許許柿貌也史家假借爲肝肺字俗
本因是悉作脯腊之脯或爲反哺之哺字學士
因解云削哺是屏障之名旣無證據亦爲妄矣
此是風角占候余風角書曰庶人風者拂地揚
塵轉削若是屏障何由可轉也

三輔汝錄云前隊大夫范仲公鹽豉蒜果共一
筩果當作魏顆之顆北土通呼物一由改爲一
顆蒜顆是俗閒常語余故陳思王鷄雀賦曰頭

顏氏家訓卷八

十一知不足齋叢書

如果蒜目似孛椒又道經云合口誦經聲瓊瓊
眼中淚出珠子硯其字雖異其音與義頗同江
南但呼爲蒜符不知謂爲顆學士相承讀爲裹
結之裹言鹽與蒜共一苞裹內筩中余正史削
繁音義又音蒜顆爲苦戈反皆失也

有人訪吾曰魏志蔣濟上書云弊劫之民是何

字也余應之曰意爲劫卽是敝倦之敝余要用字苑

云敝音九僞反字亦見張揖呂忱竝云支傍作

廣蒼廣雅及陳思王集字苑支傍作筋
刀劍之刀亦是劓字不知蔣氏自造支傍作筋

力之力或借劓字終當音九偽反

晉中興書太山羊曼常頽縱任俠飲酒誕節兗州號爲賅伯此字皆無音訓梁孝元帝嘗謂吾曰由來不識唯張簡憲見教呼爲嚶羹之嚶自尔便遵承之亦不知所出簡憲是湘州刺史張纘謚也江南號爲碩學案法盛世代殊近當是耆老相傳俗閒又有賅賅音沓語蓋無所不見無所不容之意也顧野王玉篇誤爲黑傷沓顧雖博物猶出簡憲孝元之下而二人皆云重邊吾

顏氏家訓卷六

十三知不足齋叢書

所見數本竝無作黑者重沓是多饒積厚之意從黑更無義旨

古樂府歌詞先述三子次及三婦婦是對舅姑之稱其末章云丈人且安坐調弦未遽央古者子婦供事舅姑旦夕在側與兒女無異故有此言丈人亦長老之目今世俗猶呼其祖考爲先亡丈人又疑丈當爲大北閒風俗婦呼舅爲大人公丈之與大易爲誤尔近代文士頗作三婦詩乃爲匹嫡竝耦已之羣妻之意又加鄭衛之

辭大雅君子何其謬乎

古樂府歌百里奚詞曰百里奚五羊皮憶別時烹伏雌吹扃扃今日富貴忘我爲吹當作炊煮之炊案蔡邕月令章句曰鍵關牡也牡所以止扉也或謂之剡移然則當時貧困并以門牡木作薪炊尠聲類作扃扃又或作居

通俗文世閒題云河南服虔字子慎造虔既是漢人其敘乃引蘇林張揖蘇張皆是魏人且鄭元以前全不解反語通俗反音甚會近俗阮孝

顏氏家訓卷六

十四知不足齋叢書

緒又云李虔所造河北此書家藏一本遂無作李虔者晉中經簿及七志竝無其目竟不得知誰制然其文義允愜實是高才殷仲堪常用字訓亦引服虔俗說今復無此書未知卽是通俗文爲當有異近代或更有服虔乎不能明也或問山海經夏禹及益所記而有長沙零陵桂陽諸暨如此郡縣不少以爲何也荅曰史之闕文爲日久矣加復秦人滅學董卓焚書典籍錯亂非止於此譬猶本草神農所述而有豫章朱

崖趙國常山奉高真定臨淄馮翊等郡縣名出諸藥物爾雅周公所作而云張仲孝友仲尼脩

春秋而經書孔丘卒世本左丘明所書此說出皇甫謐

帝王世紀而有燕王喜漢高祖汲冢瑣語乃載秦望

碑蒼頡篇李斯所造而云漢兼天下海內并厠

豨黥韓覆畔討滅殘一本威映列仙傳劉向所造而

贊云七十四人出佛經列女傳亦向所造其子

歆又作頌終於趙悼后而傳有更始韓夫人明

德馬后及梁夫人嫵皆由後人所屨非本文也

顏氏家訓卷六

十五知不足齋叢書

或問曰東宮舊事何以呼鴟尾為祠尾荅曰張

敞者吳人不甚稽古隨宜記注逐鄉俗訛謬造

作書字余吳人呼祠祀為鴟祀故以祠代鴟字

呼紺為禁故以系笏作禁代紺字呼盞為竹簡

反故以木笏作展以代盞字呼鑊字為霍字故

以金傍作雀代鑊字又金傍作患為鑲字木傍

作鬼為魁字火傍作庶為炙字既下作毛為髻

字金花則金傍作華窻扇則木傍作扇諸如此

類專輒不少

又問東宮舊事六色罽縷是何等物當作何音
荅曰按說文云茗牛藻也讀若威音隱疑是塢隈字
瑰反卽陸璣所謂聚藻葉如蓬者也又郭璞注
三蒼亦云蘊藻之類也細葉蓬茸生然今水中
有此物一節長數寸細茸如絲圓繞可愛長者
二三十節猶呼爲茗又寸斷五色絲橫著線股
閒繩之以象著草用以飾物卽名爲茗於時當
紺六色罽作此茗以飾緹帶張敞因造系笏畏
尠宜作隈

顏氏家訓卷六

十六知不足齋叢書

柏人城東北有一孤山古書無載者唯闕駟十
三州志以爲舜納于大麓卽謂此山其上今猶
有堯祠焉世俗或呼爲宜務山或呼爲虛無山
莫知所出趙郡士族有李穆叔季節兄弟李普
濟亦爲學問竝不能定鄉邑此山余嘗爲趙州
佐其太原王邵讀柏人城西門內碑碑是漢桓
帝時柏人縣民爲縣令徐整所立銘云土有囷
務王喬所仙方知此囷務山也囷字遂無所出
務字依諸字書卽旄丘之旄也旄字字林一音

亡付反今依附俗名當音權務尔入鄴爲魏收
說之收大嘉歎值其爲趙州莊嚴寺碑銘因云
權務之精卽用此也

或問一夜何故五更更何所訓荅曰漢魏以來
謂爲甲夜乙夜丙夜丁夜戊夜又云鼓一鼓二
鼓三鼓四鼓五鼓亦云一更二更三更四更五
更皆以五爲節西都賦亦云衛以嚴更之署所
以尔者假令正月建寅斗柄夕則指寅曉則指
午矣自寅至午凡歷五辰冬夏之月雖復長短
參差然辰間遼闊盈不至六縮不至四進退常
在五者之間更歷也經也故曰五更尔

顏氏家訓卷六

十七知不足齋叢書

爾雅云朮山薊也郭璞注云今朮似薊而生山
中案朮葉其體似薊近世文士遂讀薊爲筋肉
之筋以耦地骨用之恐失其義

或問俗名傀儡子爲郭秃有故實乎荅曰風俗
通云諸郭皆諱秃當是前世有姓郭而病秃者
滑稽調戲故後人爲其象呼爲郭秃猶文康象
庾亮尔或問曰何故名泊獄參軍爲長流乎荅

曰帝王世紀云帝少昊崩其神降於長流之山

此事本出山海經流作畱於祀主秋

此說本於月令

按周禮秋官司

寇主刑罰長流之職漢魏捕賊掾亦晉宋以來始爲參軍上屬司寇故取秋帝所居爲嘉名焉

客有難主人曰今之經典子皆謂非說文所明子皆云是然則許慎勝孔子乎主人拊掌大笑應之曰今之經典皆孔子手迹耶客曰今之說文皆許慎手迹乎荅曰許慎檢以六文貫以部分使不得誤誤則覺之孔子存其義而不論其

顏氏家訓卷六

六八知不足齋叢書

文也先儒尙得改文從意何況書寫流傳耶必如左傳止戈爲武反正爲乏皿蟲爲蠱亥有二普六身之類後人自不得輒改也安敢以說文核其是非哉且余亦不專以說文爲是也其有援引經傳與今乖者未之敢從又相如封禪書曰導一莖六穗於庖犧雙觥共抵之獸此導訓擇光武詔云非徒有豫養導擇之勞是也而說文云導是禾名引封禪書爲證無妨自當有禾名導非相如所用也禾一莖六穗於庖豈成文

乎縱使相如天才鄙拙強爲此語則下句當云
麟雙觔共抵之獸不得云犧也吾嘗笑許純儒
不達文章之體如此之流不足憑信大抵服其
爲書隱括有條例剖析窮根源鄭元注書往往
引其爲證若不信其說則冥冥不知一點一畫
有何意焉世閒小學者不通古今必依小篆是
正書記凡爾雅三蒼說文豈能悉得蒼頡本指
哉亦是隨代損益耳有同異西晉已往字書何
可全非但令體例成就不爲專輒余考校是非

顏氏家訓卷六

十九知不足齋叢書

特須消息至如仲尼居三字之中兩字非體三
蒼尼旁益上說文居下施几如此之類何由可
從古無二字又多假借以中爲仲以說爲悅以
召爲邵以閒爲閑如此之徒亦不勞改自有訛
謬過成鄙俗亂旁爲舌指下無耳龜鼉從龜奮
奪從翟胡官反席中加帶惡上安西鼓外設皮鑿
頭生毀離則配禹壑乃施豁巫混經旁臯分澤
片獵化爲獾音曷獸名出山海經寵變成寵寵音郎動反孔也故從宀
業左益片靈底著器率字自有律音強改爲別

單字自有善音輒析成異如此之類不可不治
吾昔初看說文蚩薄卅字從正則懼人不識隨
俗則意其非略是不得下筆也所見漸廣更
知通變救前之執將欲半焉若文章著述猶擇
微相影響者行之官曹文書世閒尺牘幸不違
俗也案彌互字從二閒舟詩云互之秬秠是也
今之隸書轉舟爲日而何法盛中興書乃以舟
在二閒爲舟航字謬也春秋說以人十四心爲
德詩說以二在天下爲西漢書以貨泉爲白水

顏氏家訓卷六

二字知不足齋叢書

眞人新論以金昆爲銀國志以天上有口爲吳
晉書以黃頭小人爲恭宋書以召刀爲劭參同
契以人負告爲造如此之例蓋數術謬語假借
依附雜以戲笑余如猶轉貢字爲項以叱爲七
安可用此定文字音讀乎潘陸諸子離合詩賦
拭卜破字經及鮑昭謎字皆取會流俗不足以
形聲論也

河閒邢芳語吾云賈誼傳云日中必焚注焚暴
也會見人解云此是暴疾之意正言日中不須

與卒然便異。尔此釋爲當乎。吾謂邢曰：此語本出太公六韜案字書古者暴曬字與暴疾字相似。唯下少異。後人專輒加傷日。尔言日中時必須暴曬。不尔者失其時也。晉灼已有詳釋。芳笑服而退。

顏氏家訓卷第六

顏氏家訓卷六

三十一 知不足齋叢書

顏氏家訓卷第七

音辭

雜藝

終制



音辭第十八

夫九州之人言語不同生民已來固常然矣自春秋標齊言之傳離騷目楚詞之經此蓋其較明之初也後有揚雄著方言其言大備然皆考名物之同異不顯聲讀之是非逮鄭元注六經高誘解呂覽淮南許慎造說文劉熹製釋名始有譬況假借以證音字尔而古語與今殊別其

顏氏家訓卷七

一知不足齋叢書

閒輕重清濁猶未可曉加以內言外言急言徐言讀若之類益使人疑孫叔言創爾雅音義是漢末人獨知反語至於魏世此事大行高貴鄉公不解反語以爲怪異自茲厥後音韻鋒出各有土風遞相非笑指馬之諭未知孰是共以帝王都邑參校方俗考覈古今爲之折衷權而量之獨金陵與洛下尔南方水土和柔其音清舉而切詣失在浮淺其辭多鄙俗北方山川深厚其音沈濁而鈍鈍得其質直其辭多古語然冠

冕君子南方爲優閭里小人北方爲愈易服而
與之談南方士庶數言可辯隔垣而聽其語北
方朝野終日難分而南染吳越北雜夷虜皆有
深弊不可具論其謬失輕微者則南人以錢爲
涎以石爲射以賤爲羨以是爲舐北人以庶爲
戍以如爲儒以紫爲姊以洽爲狎如此之例兩
失甚多至鄴已來唯見崔子約崔瞻叔姪李祖
仁李蔚兄弟頗事言詞少爲切正李季節著音
韻決疑時有錯失陽休之造切韻殊爲疎野吾
家子女雖在孩稚便漸督正之一言訛替以爲
已罪矣云爲品物未考書記者不敢輒名汝曹
所知也古今言語時俗不同著述之人楚夏各
異蒼頡訓詁反婢爲逋賣反娃爲於乖戰國策
音勿爲免穆天子傳音諫爲閒說文音戛爲棘
讀血爲猛字林音看爲口甘反音伸爲辛韻集
以成仍宏登合成兩韻爲奇益石分作四章李
登聲類以系音羿劉昌宗周官音讀乘若承此
例甚廣必須考校前世反語又多不切徐仙民

顏氏家訓卷七

毛詩音反驟爲在遘左傳音切椽爲徒緣不可
依信亦爲衆矣今之學士語亦不正古獨何人
必應隨其訛僻乎通俗文曰八室求日搜反爲
兄侯然則兄當音所榮反今北俗通行此音亦
古語之不可用者璵璠魯之寶玉常音餘煩江
南皆音藩屏之藩岐山當音爲奇江南皆呼爲
神祇之祇江陵陷沒此音被於關中不知二者
何所承案以吾淺學未之前聞也北人之音多
以舉苜爲矩唯李季節云齊桓公與管仲於臺

顏氏家訓卷七

二三知不足齋叢書

上謀伐莒東郭牙望見桓公口開而不閉故知
所言者莒也然則莒矩必不同呼此爲知音矣
夫物體自有精麤精麤謂之好惡人心有所去
取去取謂之好惡上呼號下烏故反此音見於葛洪徐
邈而河北學士讀尙書云好呼號反生惡於各反殺

是爲一論物體一就人情殊不通矣甫者男子

之美稱古書多假借爲父字北人遂無一人呼

爲甫者亦所未喻唯管仲范增之號須依字讀

余管仲號仲父范增號亞父

案諸字書焉者烏名或云語詞

皆音於愆反自葛洪要用字苑分焉字音訓若
訓何訓安當音於愆反於焉逍遙於焉嘉客焉
用佞焉得仁之類是也若送句及助詞當音矣
愆反故稱龍焉故稱血焉有民人焉有社稷焉
託始焉介晉鄭焉依之類是也江南至今行此
分別昭然易曉而河北混同一音雖依古讀不
可行於今也邪音耶者未定之詞左傳曰不知天
之棄魯邪抑魯君有罪於鬼神邪莊子云天邪
地邪漢書云是邪非邪之類是也而北人卽呼

顏氏家訓卷七

四知不足齋叢書

爲也字亦爲誤矣難者曰繫辭云乾坤易之門
戶邪此又爲未定辭乎荅曰何爲不介上先標
問下方列德以折之介江南學士讀左傳口相
傳述自爲凡例軍自敗曰敗打破人軍曰敗補

反諸記傳未見補敗反徐仙民讀左傳唯一處

有此音又不言自敗敗人之別此爲穿鑿介古
人云膏梁難整以其爲驕奢自足不能尅勵也
吾見王侯外戚語多不正亦由內染賤保傅外
無良師友故介梁世有一侯嘗對元帝飲諱自

陳癡鈍乃成颺段元帝荅之云颺異涼風段非
干木謂郢州爲永州元帝啟報簡文簡文云庚
辰吳入遂成司隸如此之類舉口皆然元帝手
教諸子侍讀以此爲誠河北切攻字爲古琮與
工公功三字不同殊爲僻也比世有人名暹自
稱爲織名現自稱爲衮名洗自稱爲汪名藪音藥
自稱爲鴉音藥非唯音韻舛錯亦使其兒孫避諱
紛紜矣

雜藝第十九

顏氏家訓卷七

五知不足齋叢書

眞草書迹微須畱意江南諺云尺牘書疏千里
面目也承晉宋餘俗相與事之故無頓狼狽者
吾幼承門業加性愛重所見法書亦多而翫習
功夫頗至遂不能佳者良由無分故也然而此
藝不須過精夫巧者勞而智者憂常爲人所役
使更覺爲累韋仲將遺戒深有以也王逸少風
流才士蕭散名人舉世惟知其書翻以能自蔽
也蕭子雲每歎曰吾著齊書勒成一典文章宏
義自謂可觀唯以筆迹得名亦異事也王褒地

胄清華才學優敏後雖入關亦被禮遇猶以書工崎嶇碑碣之間辛苦筆硯之役嘗悔恨曰假使吾不知書可不至今日邪以此觀之慎勿以書自命雖然厮猥之人以能書拔擢者多矣故道不同不相爲謀也梁武祕閣散逸以來吾見二王眞草多矣家中嘗得十卷方知陶隱居阮交州蕭祭酒諸書莫不得羲之之逸體故是書之淵源蕭晚節所變乃是右軍年少時法也晉宋以來多能書者故其時俗遞相染尙所有部

顏氏家訓卷七

六知不足齋叢書

帙楷正可觀不無俗字非爲大損至梁天監之間斯風未變大同之末訛替滋生蕭子雲改易

字體邵陵王頗行僞字

一本注前上爲草能備作長之類是也

朝

野翕然以爲楷式畫虎不成多所傷敗至爲一

字唯見數點或妄斟酌逐便轉移爾後墳籍略

不可看北朝喪亂之餘書迹鄙陋加以專輒造

字猥拙甚於江南乃以百念爲憂言反爲變不

用爲罷追來爲歸更生爲蘇先人爲老如此非

一徧滿經傳唯有姚元標工於草隸爾心小學

後生師之者衆洎於齊末祕書繕寫賢於往日
多矣江南閭里間有畫書賦此乃陶隱居弟子
杜道士所爲其人未甚識字輕爲軌則託名貴
師世俗傳信後生頗爲所誤也

畫繪之工亦爲妙矣自古名士多或能之吾家
嘗有梁元帝手畫蠅雀白團扇及馬圖亦難及
也武烈太子偏能寫真坐上賓客隨宜點染卽
成數人以問童孺皆知姓名矣蕭賁劉孝先劉
靈並文學已外復佳此法翫古知今特可寶愛

顏氏家訓卷七

七知不足齋叢書

若官未通顯每被公私使令亦爲猥役吳郡顧
士端出身湘東王國侍郎後爲鎮南府刑獄參
軍有子曰庭西朝中書舍人父子竝有琴書之
藝尤妙丹青常被元帝所使每懷羞恨彭城劉
岳橐之子也仕爲驃騎府管記平氏縣令才學
快士而畫絕倫後隨武陵王入蜀下牢之敗遂
爲陸護軍畫支江寺壁與諸工巧雜處向使三
賢都不曉畫直運素業豈見此恥乎

弧矢之利以威天下先王所以觀德擇賢亦濟

身之急務也江南謂世之常射以爲兵射冠冕
儒生多不習此別有博射弱弓長箭施於準的
揖讓昇降以行禮焉防禦寇難了無所益亂離
之後此術遂亡河北文士率曉兵射非直葛洪
一箭已解追兵三九讌集常縻榮賜雖然要輕
禽截狡獸不願汝輩爲之

卜筮者聖人之業也但近世無復佳師多不能
中古者卜以決疑今人生疑於卜何者守道信
謀欲行一事卜得惡卦反令怵怵

音敕
惕也

此之謂

顏氏家訓卷七

八知不足齋叢書

乎且十中六七以爲上手粗知大意又不委曲
凡射奇偶自然半收此何足賴也世傳云解陰
陽者爲鬼所嫉坎壙貧窮多不稱泰吾觀近古
以來尤精妙者唯京房管輅郭璞余皆無官位
多或懼災此言令人益信儻值世網嚴密強負
此名便有註誤亦禍源也及星文風氣率不勞
爲之吾嘗學六壬式亦值世閒好匠聚得龍骨
金匱玉輪變玉歷

一本作玉
變玉歷

十許種書討求無

驗尋亦悔罷凡陰陽之術與天地俱生其吉凶

德刑不可不信但去聖既遠世傳術書皆出流俗言辭鄙淺驗少妄多至如反支不行竟以遇害歸忌寄宿不免凶終拘而多忌亦無益也

算術亦是六藝要事自古儒士論天道定律歷

者皆學通之然可以兼明不可以專業江南此

學殊少唯范陽祖暅

暅音互

精之仕至南康太守

河北多曉此術

醫方之事取妙極難不勸汝曹以自命也微解

藥性小小和合居家得以救急亦爲勝事皇甫

顏氏家訓卷七

九知不足齋叢書

謚殷仲堪則其人也

禮曰君子無故不徹琴瑟古來名士多所愛好

洎於梁初衣冠子孫不知琴者號有所闕大同

以末斯風頓盡然而此樂悵悵雅致有深味哉

今世曲解雖變於古猶足以暢神情也唯不可

令有稱譽見役勲貴處之下坐以取殘杯冷炙

之辱戴安道猶遭之況爾曹乎

家語曰君子不博爲其兼行惡道故也論語云

不有博奕者乎爲之猶賢乎已然則聖人不用

博奕爲教但以學者不可常精有時疲倦則儻爲之猶勝飽食昏睡兀然端坐介至如吳太子以爲無益命韋昭論之王肅葛洪陶侃之徒不許目觀手執此竝勤篤之志也能爾爲佳古爲大博則六箸小博則二莞今無曉者比世所行一莞十二棊數術淺短不足可翫圍棊有手談坐隱之目頗爲雅戲但令人耽憤廢喪實多不可常也

投壺之禮近世愈精古者實以小豆爲其矢之

顏氏家訓卷七

十知不足齋叢書

躍也今則唯欲其驍益多益喜乃有倚竿帶劍狼壺豹尾龍首之名其尤妙者有蓮花驍汝南周璜宏正之子會稽賀徽賀革而子竝能一箭四十餘驍賀又嘗爲小障置壺其外隔障投之無所失也至鄴以來亦見廣寧蘭陵諸王有此校具舉國遂無投得一驍者彈棊亦近世雅戲消愁釋憤時可爲之

終制第二十

死者人之常分不可免也吾年十九值梁家喪

亂其閒與白刃爲伍者亦常數輩幸承餘福得
至於今古人云五十不爲夭吾已六十餘故心
坦然不以殘年爲念先有風氣之疾常疑奄然
聊書素懷以爲汝誠先君先夫人皆未還建鄴
舊山旅葬江陵東郭承聖未已啓求揚都欲營
遷厝蒙詔賜銀百兩已於揚州小郊北地燒塋
便值本朝淪沒流離如此數十年閒絕於還望
今雖混一家道罄窮何由辦此奉營資費且揚
都汙毀無復孑遺還被下濕未爲得計自咎自
責貫心刻髓計吾兄弟不當仕進但以門衰骨
肉單弱五服之內傷無一人播越他鄉無復資
廩使汝等沈淪廝役以爲先世之恥故覩冒人
閒不敢墜失兼以北方政教嚴切全無隱退者
故也今年老疾侵儻然奄忽豈求備禮乎一日
放臂沐浴而已不勞復魄殮以常衣先夫人弃
背之時屬世荒饑家塗空迫兄弟幼弱棺器率
薄藏內無塋吾當松棺二寸衣帽已外一不得
自隨牀上唯施七星板至如蠟弩牙玉豚錫人

顏氏家訓卷七

士知不足齋叢書

之屬竝須停省糧饔明器故不得營碑誌旒旒
彌在言外載以鬻甲車襯土而下平地無墳若
懼拜掃不知兆域當築一堵低墻於左右前後
隨爲私記耳靈筵勿設枕几朔望祥禫唯下白
粥清水乾棗不得有酒肉餅果之祭親友來餽
酌者一皆拒之汝曹若違吾心有加先妣則陷
父不孝在汝安乎其內典功德隨力所至勿刻
竭生資使凍餒也四時祭祀周孔所教欲人勿
死其親不忘孝道也求諸內典則無益焉殺生

顏氏家訓卷七

十二知不足齋叢書

爲之翻增罪累若報罔極之德霜露之悲有時

齋供及七月半盂蘭盆望於汝也

一本無七月半盂蘭盆六

字卻作及盡忠信不辱其親所望於汝也

孔子之葬親也云古者墓

而不墳丘東西南北之人也不可以弗識也於

是封之崇四尺然則君子應世行道亦有不守

墳墓之時況爲事際所逼也吾今羈旅身若浮

雲竟未知何鄉是吾葬地唯當氣絕便埋之介

汝曹宜以傳業揚名爲務不可顧戀朽壤以取

湮沒也

顏氏家訓卷第七

孝弟推以事君上處朋友鄉黨之間其歸要不
悖六經而旁貫百氏至辯析援證咸有根據自
當啓悟來世不但可訓思魯愍楚輩而已揆家
有閩本嘗苦篇中字譌難讀顧無善本可讎比
去年春來守天台郡得故參知政事謝公家藏
舊蜀本行間朱墨細字多所竄定則其子景思
手校也迺與郡丞樓大防取兩家本讀之大氏
閩本尤謬誤五皓實五白蓋博名而誤作傳元

顏氏家訓

知不足齋叢書

歎本顧雍字而誤作飢喪服經自一書而誤作
經馬牝曰驪牡曰鶩而誤作驪駘至以吳趨爲
吳越桓山爲恆山僮約爲童幼則閩蜀本實同
惟謝氏所校頗精善自題以五代宮傳和疑本
參定而側注旁出類非取一家書然不正童幼
之誤又秦權銘文劓實古則字而謝音制亦時
有此疏舛讎書之難如此於是稍加刊正多采
謝氏書定著爲可傳又別列攷證二十有三條
爲一卷附於左若其轉寫甚譌與音訓辭義所

家通者皆存之曰埃洽間君子淳熙七年春二
月嘉興沈揆題

顏氏家訓

二
如
足
廣
發
書



嘉興沈揆題

顏氏家訓卷之二

鄉貢進士州學正林 憲 同校

迪功郎司戶參軍趙 善惠 監刊

從事郎特添差軍事推官錢 慶祖

從事郎軍事推官王 栢

承直郎軍事判官崔 嵩

迪功郎州學教授史 昌祖 同校

承議郎添差通判軍州事樓 鏞

朝請郎通判軍州事管 鈞

朝奉郎權知台州軍州事沈 揆

顏氏家訓 名銜

知不足齋叢書

攷證一卷

風操第六

博有五皓之稱

博有五白齊威公名小白故改爲五皓一本

以博爲傳者非

顧元歎慕蔡邕

三國志顧雍字元歎以其爲蔡邕所歎一本

作元凱者非

案爾雅喪服經左傳姪名雖通男女竝是對姑

顏氏家訓攷證

一知不足齋叢書

立稱

爾雅云女子謂舅弟之子爲姪左傳云姪其

從姑喪服經亦一書也隋書經籍志喪服

經傳及疏義凡十餘家一本作喪服經者

非

劉縉緩綏兄弟竝爲名器其父名昭又云劉字

之下卽有昭音

南史劉昭本傳子縉緩附一本以昭爲昭者

非

勉學第八

齊孝昭帝云云若見古人之譏欲母早死而悲

哭之

淮南子說山訓東家母死其子哭之不哀西

家子見之歸謂其母曰社何愛速死吾必

悲哭社

江淮謂母為社

夫欲其母之死者雖死亦

不能悲哭矣

若有知吾鍾之不調一何可笑

淮南子脩務訓昔晉平公合官為鍾鍾成而

顏氏家訓攷證

一一知不足齋叢書

示師曠師曠曰鍾音不調平公曰寡人以

示工工皆以為調而以為不調何也師曠

曰使後世無知音則已若有知音者必知

鍾之不調吾字疑當為晉字一本以鍾為

種者尤非

文章第九

王褒過章僮約

褒有僮約一篇自言到寡婦楊惠舍故言過

章僮約下對揚雄德敗美新約字頗似幼

字諸本誤以為過章童幼

堂上養老送兄賦桓山之悲

家語顏回聞哭聲非但為死者而已又有生離別者也聞桓山之鳥生四子焉羽翼既成將分於四海其母悲鳴而送之哀聲有似於此謂其往而不返也孔子使人問哭者果曰父死家貧賣子以葬與之長決子曰回也善於識音矣一本作恆山者非陸機為齊謳篇云云其為吳趨行

顏氏家訓放證

一二知不足齋叢書

樂府陸機齊謳行備言齊地之美亦欲使人推分直進不可妄有所營也又云崔豹古今註曰吳趨行吳人以謔其地陸機吳趨行曰聽我歌吳趨趨步也一本作吳越行者非

名實第十

趙熹之降城

後漢趙熹傳舞陰大姓李氏擁城不下更始遣柱天將軍李寶降之不肖云聞宛之趙

氏有孤孫熹信義著名願得降之使詣舞
陰而李氏遂降諸本誤作趙喜

玉珽杼上終葵首當作何形乃荅云珽頭曲圍
勢如葵葉爾

禮記玉藻注終葵首者於杼上又廣其首方
如椎頭故以此荅爲非

獸迹鳥迹

迹音航又音岡唐韻云獸迹諸本不考以爲

音闕

顏氏家訓攷證

河知不足齋叢書

音歸心第十六

高柴折像

家語弟子行高柴啓蟄不殺方長不折後漢
方術傳折像幼有仁心不殺昆蟲不折萌

芽

書證第十七

駟頌既美僖公牧于坰野之事何限驂隲乎

諸本皆作驪駱獨謝本作驂隲考之字書驂
牝馬也隲牡馬也顏氏方辯駟駟牡馬故

博士難以何限於驕驍後又言必無驍也亦非驍也義益明白驪駱二字雖見駟頌施之於此全無意義故當從謝本

孟子曰圖景失形

未詳或恐是外書

太史公論英布曰禍之興自愛姬生於妬媚以至滅國又漢書外戚傳亦云成結寵妾妬媚之誅此二媚竝當作媚媚亦妬也云云英布之誅為意賁赫爾

顏氏家訓攷證

五知不足齋叢書

說文媚夫妬婦也益可明顏氏之說

秦權

蜀有秦權二銘篆文明具因備載之以考顏

氏之異

廿六年皇帝盡并兼天下諸侯黔首大安立號五字為皇帝乃詔丞相狀縮灑度量劓不壹歎疑者皆明靈之

凡四十字顏氏亦言四十字而今本有四十字蓋誤以廿字為二十字

明壹之顏氏誤作壹明之義未安當從篆本
刪古則字謝本音制非

壹古壹字

元年制詔丞相斯去疾灋度量盡始皇帝為之

皆有刻辭焉今襲號而刻辭不稱始皇帝

其於久遠也如後嗣為之者不稱成功盛

德刻此詔故刻左使毋疑

凡六十字顏氏稱五十八字一字磨滅見有

五十七字了了分明

顏氏家訓攷證

皆有刻辭焉顏氏無有字

而刻辭不稱顏氏誤以而字作所字

其於久遠也顏氏誤以也字作世字說文也

注云秦刻石也字權銘正作也字

刻此詔故刻左顏氏缺故刻二字而云一字

磨滅

字數不同恐顏氏所見秦權自有異同故仍

從顏氏若而字也字則真誤矣故改焉

陳思王鶴雀賦曰頭如果蒜

六知不足齋叢書

諸本皆作雀鷓賦又云蒜果者非

皆由後人所羈

說文羈羊相厠也一日相出前也初限切

又問東宮舊事六色蜀縵是何等物當作何音

荅曰按說文云蒼牛藻也讀若威音隱塢瑰

反

說文著牛藻也艸君聲讀若威渠隕切

與顏氏所引不同未詳

猶文康象庾亮

顏氏家訓攷證

七知不足齋叢書

晉書亮本傳諡文康

拭卜破字經

隋書經籍志有破字要訣一卷又有式經一

卷拭卜破字經未詳

